

Entrada nòia tla Val Badia: preparaziun rovada

Le proiet peliminar y chël presentè por l'entrada nòia tla Val Badia cun n tunel y n punt tl raiun dl comun da San Laurènz é gnüs stlùc jö, le proiet esecutif é dan man y vëgn al momènt valuté.

“Le proiet preliminar y chël presentè” spliga l'assessor por i laùrs publics Florian Mussner é gnüs portà a fin y aprovà, al é gnü fat la registraziun tl plan urbanistich, al

é gnü damanè les autorisaziuns plü importantes sciöche l'arat de valutaziun dl dann sòn l'ambiènt y la detlaraziun de conformité urbanistica y ince les prozedöres d'espropriaziun é bele gnüdes inviades ia.

Sciöche pröm laùr por la costruziun dl'entrada nòia mëssel gnü spostè la condüta dal gas dla sozieté Erdgas Società Nazionale Metanodotti Snam; por chësc éson bele rovà a

n'acordanza y la Junta provinciala à bele de mà aprovè i mesi finanziairs che va debojëgn por chësc laùr de spostamènt. Al é ince bele gnü fat les analyses sc'al jiss debojëgn da eliminé reliç dla vera.

Le proiet esecutif é bele dan man y vëgn atualmènter valuté. I laùrs de costruziun dess gnü scriç fora te chësc ann che vëgn, insciö l'assessor por i laùrs publics. ■

L vën slargià la streda da Pruca ite

Tl Assessorat provinziel ai lëures publics iel unì sëurandat i lëures per slargè l stradon de Gherdëina da Pruca ite, tl raion “Villnad”. La ncèria ti ie jita ala firma Oberosler SF de Bulsan.

Trëi chilometri dedite da Pruca, ulache pea ora la streda per Solacion, fovel bele unì fat doi puenc nueves y slargià la streda per garantì n miëur culegamènt per ruvé te Gherdëina. Sën iel unì sëurandat i lëures per realisé la terza pert di lëures de miuramènt dla streda tl raion “Villnad”.


L se trata de slargè la streda sun n toch de feter 170 metri che ie drët strènt. “Te chësta luegia se stènta doi majeri mesuns sciche na curiera o n camion dassènn a passé via, y riesc vëniel a se l dé codes de auti” mutivea l Assessëur provinziel Florian Mussner l bujèn de chësc ntervènt. La firma Oberosler SF de Bulsan ova pità n presc 17,9 percènt plu bas dla soma scritta ora y à aldò di criteries de valutazion venciù l cuncors per la realizazion.

Per miuré la streda de Gherdëina sun chësc terzo lot fej la Provinzia na nvestizion de 647.000 euro che tol ite la preparazion tecnica, la despuacions y i lëures.

L ie plu de diesc ani che te na culaburazion danter Servisc provin-

ziel per la stredes, i chemuns y la Repartizion per nfrastrutures de stredes vëniel cialà de slargè i prim chilometri dla streda de Gherdëina da Pruca ite. Tl raion “Villnad” fovel i ultimi ani unì zarà ju l vedl

mulin y slargià la streda. Davia che l puent fova tlo plu strènt dla streda cumededa, univel a se l dé n pont de pericul a furné oravier. Nsci iel dan trëi ani unì fat doi puenc nueves y slargià la streda. ■



La streda de Gherdëina da Pruca ite vën miureda: ulache l fova bele unì fat lëures, vëniel sën realisà la terza pert per slargè la streda

Fé pea cuncorsc per stieres tla Sanità

For plu persones se stënta nce tl Sudtirolo a abiné da lëur, perchël se da la Jonta provinziela ju cun plu dedizion a chësta problematica. Per la popolazion ladina iel mo da giapé stieres publiches, dantaprima tl ciamp dla Sanità: aldò dl pruporz ti spieta ala grupa de rujeneda ladina tlo mo 160 stieres.

Alexander Stuffer

Acioche la stieres tla Sanità per ladins possa nce unì curides da jënt ladina, fej l'assessëur ladin Florian Mussner n'apel de fé pea i cuncorsc per stieres tla Sanità. Davia che l'Azienda Sanitera dl Sudtirolo ne à nia abinà assé nteressei de rujeneda ladina, iela nchinamò stata sfurzeda a tò su culaburadëures de outra grupes de rujeneda. "Tla Sanità iel 366 stieres ududes dant per la jënt ladina, de chëstes



ie 160 stieres mo da curì cun jënt de rujeneda ladina" spiega l'assessëur ladin Florian Mussner. La stieres che ti spieta ai ladins ne puderà nia unì curides dutes te un n'iede, ma n'puech al iede aldò che l'Azienda Sanitera scrij ora cuncorsc.

"Canche l'vën scrit ora stieres tla Sanità dëssa la jënt ladina fé pea i cuncorsc, nce sce i ie scric ora per n'otra grupa de rujeneda" mèt a cuer l'assessëur ladin Mussner, spiegàn che sce l'Azienda Sanitera ne abina deguni dla rujeneda demandada, possa la stiera unì data a zachei de n'otra grupa. "La graduatorie che vën fates tres n'cuncorsc vel nchin a doi ani y ie la basa per tò su mo d'autri culaburadëures, zënza scrì ora n'cuncorsc nuef", spiega Mussner.

La 160 stieres che ie mo resservedes ala jënt ladina reverda 20 culaburadëures amministratives, 78 stieres spezialisedes (nce artejans y cueghes) 30 nfermieres, 28 dutores y 5 primares. L'Azienda Sanitera publichea la stieres a

desposizion sun si plata web www.sabes.it/de/Stellenangebote.asp. Tl'aministrazion publica n'general iel de ndut mo feter 360 stieres ududes dant per la popolazion ladina che ne ie nia curides. Dlongia chëles tl'Azienda Sanitera, nen iel mo passa 100 te istituzions stateles y feter 40 tla Provinzia. Nteressei a na stiera giapa n'furmazions sun la stieres scrites ora sun la plata web "Arbeitsbörse/Borsa lavoro" al adres www.provincia.bz.it/arbeit/jobsuche/214.asp.

La dificultà de abiné da lëur se lascia senti for de plu nce tla valedes ladines. "La situazion se muda dasënn danter la sajons turistiche y ora de sajón", spiega Mussner. Danter jené y merz fovel chëst ann na media de 60 persones scrites ite tla lites de chiche ie a desposizion. Da aurl a lugio nen fovel de media 175. "Pra chësta zifres iel da mèter verda ajache les muessa unì metudes n'relazion a chëi che ne à nia nteres a se lascé mèter sun la listes" sorissea Mussner. Purempò iel ti prim set mëns dl 2013 da udëi ora n'aument de feter 30% permez al ann dant. ■

Publicazion cuncorsc per stieres t/Azienda Sanitera

www.sabes.it/de/Stellenangebote.asp
www.asdaa.it/it/offerte-di-lavoro.asp

La stieres t/Azienda Sanitera vën dates ca nsci:

- scrijan ora cuncorsc (plata web, zaites, ..)
- sun la basa de graduatorie provisories
- tres cuntrac a tèmp per ncëries specifiches

Furmazion per lauré tl ciamp dla sanità

Per diventé nfermier (Krankenpfleger/in)
 → Scola Claudiana a Bulsan (3 ani) www.claudiana.bz.it

Per diventé dutor → universiteies de medejina (per ejèmpl a Dispruch, Viena, München, Verona, Padova, Roma)
 N'furmazion pieta nce la Südtiroler Hochschülerschaft (www.asus.sh)